



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
proxim accommodatas

**Archdekin, Richard**

**Antverpiæ, 1682**

§. II. Quid restitui debeat à possessore, aut Damnificatore bonæ, aut malæ  
fidei.

**urn:nbn:de:hbz:466:1-40873**

§20 Pars 3. tract. 5. cap 14. De Restitutione.  
fecerit graviter peccaverit. Vasquez, Sa, Bonac. &c.  
15. Si autem id fecerit per vim, fraudem ca-  
lumniam, mendacium, tenetur compensare  
damnum juxta spem & probabilitatem quam  
alter habuit illud bonum obtinendi, secundum  
judicium & arbitrium prudentis viri. Quia qui-  
libet habet ius, ne per media illicita à sua spe,  
aut petitione justa deiiciatur. Lessius, Bonac. Molin.  
tom. 1. d. 135.

16. Qando bona restituenda, aut debita sunt  
incerti Domini, vel ad eum non potes accedere,  
si ea teneas absque delicto, post adhibitum fru-  
stra conatum restituendi vero Domino, proba-  
bile est quod possis ea tibi retinere; idque tu-  
rum in praxi affirmat Diana p. 2. t. 3. mis. r. 5.  
quamvis cum D. Thoma plures sentiant danda esse  
pauperibus.

17. Quod si conscius es te ea habere ex de-  
licto, v.g. furto vel usura, teneris absolutè illa  
in pauperes, aut alia opera pia erogare. Quia  
tunc optimo quo potest modo, fieri debet resti-  
tutio, ut cum nequeat corpori, saltem animæ  
veri Domini sit proficia, uti docet communis  
sententia apud Laym. aliosque.

§. 2. *Quid restitui debeat à Possessore, aut dannifi-  
catore bona, aut mala fidei?*

1. **S**i Possessor bona fidei posteā intelligat rem  
esse alienam, tantum tenetur eam restitu-  
re unā cum fructibus ex ea perceptis si extent,  
vel quantum ex ijs factus est locupletior, si con-  
sumperit. Ratio, quia possessor bona fidei non  
tenetur ratione injustæ acceptioonis, sed tantum  
ratione rei acceptæ, & possessæ, ergo non tene-  
tur plus restituere quæm ex ea possideat. Exem-  
pli

Pars 3. tract. 5. cap. 14. De Restitutione. 521  
pli gratiā , vestem à fure tibi donatam bonā fide accepisti , & attrivisti, Dominus postea comparet, tantum illi teneris restituere vestem attritam, & tantum insuper quantum tuo vestimento perpercisti, etiam si vestis attrita serica, & valde pretiosa fuisset. Quod si vestem illam non dono accepisti, sed pretio emisti, nihil præter vestem attritam est restituendum. Si autem sine tua culpa perdita aut ablata est, ad nihil omnino teneris. Ratio horum, quia nihilo factus es ditior : quæ doctrina alijs materijs facile potest applicari. Ita Bonac. Laym. l. 3. tr. 2. c. 3. alijque passim Doctores.

2. Qui bonā fide fecit contractum quem postea deprehendit esse usurarium , tantum tenetur restituere alteri id in quo ipse inde factus est ditior : Laym. supra. &c. Eādem ratione , si quis bonā fide vendidit rem alienam, dono sibi datam, i.e. vestem de qua suprà, debet acceptum premium restituere , nisi tamen ipsa vestis apud alterum reperiatur ; hæc enim Domino restitui debet, non premium. Molin. Vsq. Lessius l. 2. c. 14. d. 1. Quod si rem tibi donatam alteri gratis donasti , aliam non donatus, ad nihil teneris, nisi forte ex charitate Domino indicare ubi res extet. Bonac. Trul. &c. Quia inde non es factus ditior , cum nihil habeas in rebus tuis quod alias non haberes.

Simili modo, si rem ipse bonā fide emisti & postea vendidisti absque lucro, nihil teneris restituere, sed solus ille apud quem res extat, Molin. Less. contra Vsq. &c.

3. Notandum hic est , fructus qui ex aliena re possunt provenire , alios esse fructus naturales ipsius rei, ut foetus animalium, fructus arborum &c. & hi unà cum re Domino cedunt, censentur

tur enim esse pars aliqua rei fructiferæ : alij autem sunt fructus meræ industriæ quos res ex se non parit, sed tautum ad illos acquirendos adhibetur per modum instrumenti, v.g. frumentum alienum alio deportatum cum lucro vendidisti, vel pecuniam alienam ad negotiationem adhibuisti, non teneris hunc fructum, sive lucrum restituere. Quia non est fructus alienæ, sed tuæ industriæ.

Prædicta pœnè omnia fundantur in lege naturæ, quæ declaratur regulâ juris 46. in 6. *Locupletari alius non debet cum alterius jactura.* Et l. non hoc. ff. de condict.ind. *Naturâ æquum est neminem cum alterius detimento fieri locupletiorem.* Ex quibus in praxi alij casus deducuntur.

4. Quoad possessorem, sive damnificatorem *male fidei*, debet universaliter ita restituere ut ponat æqualitatem cum jure alterius, & ipse ex delicto suo & mala fide lucrum non faciat. Est autem malæ fidei possessor qui rem injuncte possidet, sciens, aut per crassam seu mortalem ignorantiam scire negligens, jus sibi non competere.

5. Si res apud malæ fidei possessorem casu fortuito perijt, etiam peritura etiamsi apud Dominum mansisset, in foro conscientiae nihil restituere tenetur. Ratio, quia non tenetur ratione rei acceptæ, cum ex ea nihil possideat, neque ratione injustæ damnificationis, cum ipse istius danni fortuiti causa non fuerit, uti hic supponitur.

6. Si tamen eam dolo absumpsit, aut per negligentiam crassam sive mortalem perdidit, etiamsi alias apud Dominum peritura fuisset, tenetur illius æstimationem Domino prestare. Ratio, quia in hoc casu obligatur titulo injustæ damnificationis *Less. Laym. &c.*

7. Plerumque injustus malæ fidei possessor, aut  
damnificator, non tantum tenetur restituere rem  
ablatam, & fructus perceptos, detractis suis ex-  
pensis, sed etiam compensare Domino damnum  
emergens, aut lucrum cessans ex rei carentia.  
Quia per injustam ejus detentionem est vera  
causa talis damni, et si ipse parum aut nihil ex  
ea percepisset. *Laym. l. 3. tr. 2. c. 4. n. 7. &c.*

8. Si rei alienæ dum malâ fide detinetur pre-  
mium augeatur, Domino augetur, ac proinde  
illud etiam augmentum debet Domino restitui,  
*Laym. supra.*

9. Probabile est eum qui in extrema necessi-  
tate consumpsit rem alienam, non tantum fibi  
commodatam, sed etiam ante eam necessitatem  
furto acceptam, non teneri postea, et si possit eam  
compensare. Quia furtum non ademit illi ius  
quod quivis habet ad consumendam rem alienam  
in extrema necessitate. *Hurt. Con. Palaua,*  
*Diana, contra Vasq. Lessium &c.*

*Queritur* ex his primò : Quid dicendum de  
eo, qui cum vidisset domum agricolæ à militi-  
bus iniquè spoliari, abstulit ipse duas vestes va-  
lentes 15. florenis, hac ratione ductus, si ego  
non auferam alij certò rapient.

Resp. Si accepit animo restituendi Domino,  
rectè fecisse ; quod si contingat postea Domino  
restitui non posse, neque tenebitur etiam pau-  
peribus restituere, ut docet Layman ex probabili  
multorum sententia. Si autem abstulit sine ani-  
mo restituendi peccavit, & à restitutione non  
excusat. Quia uti milites, ita ipse invito Do-  
mino rem alienam occupavit.

*Queritur* 2. Quid judicandum de eo qui in  
navi frumentum, aut annonam alienam furto  
absumpsit, quando posterā die in navi omnia ex-  
ceptis

524 Pars 3 tract. 5. cap. 14. De Restitutione.  
ceptis hominibus submerguntur, aut diripiuntur.  
Resp. teneri ad restitutionem. Quia cum semel  
ratione rei injustè acceptæ fuerit obligatus, per  
eventum fortuitum postea subsequentem non  
absolvitur.

q. 3. Qualiter restituendum pro homicidio, stupro,  
adulterio, fama &c.

1. **Q**ui alium injustè occidit, aut læsit, tenetar  
restituere omnia damna pecuniaria, quæ  
Iesus, ejusque hæredes, uxor, aut parentes pa-  
tiuntur ratione injustæ occisionis, aut muri-  
tationis. Quia horum omnium causa injusta fuit.  
Tales sunt primò impensa in medicos, medica-  
menta, famulos, & alia ægro necessaria, detrac-  
tis ijs quæ sanus fuisset consumpturus. Secundò  
Iucrum cessans ex opificio, aut officio quod læ-  
sus nequit exercere, quantum scilicet prudentis  
arbitrio spes lucri valebat, detractis expensis,  
quæ in suam sustentationem consumere solebat.  
Mortuo autem occisore hæc omnia hæredes præ-  
stare tenentur. Non tamen probabiliter solvere  
debita occisi: Quia occisor illorum causa non  
fuit. Laym. hic, aliisque.

2. Si Iesus interactori omnia remisit ante o-  
bitum, ille hæredibus, uxori, & cæteris ad nihil  
tenebitur. Quia ius quod hi, tantum ratione oc-  
cisi, acquirunt, jam remissum est.

3. Qui ab alio fuit provocatus ad pugnam,  
non tenetur ad restitutionem. Quia alter pro-  
vocando liberè fecit illi potestatem ut pro viri-  
bus agat ad viram sibi auferendam. Adeoque o-  
bligationem illam ultrò ipsi tunc remisit. Idem  
dic de eo qui injustum invasorem occidit, etiam-  
si per levem contumeliam, aliquam ei inyaden-  
di occasionem præbuisset.

4. Pro